



Broj: 04-40-1-128/26
Sarajevo, 09.05.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 08.05.2026. do 08:30 sati 09.05.2026. godine**

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest manjih intervencija i to: tri na gašenju smeća u kontejneru, dva obezbjeđenja aerodrom i jedna tehnička otvaranje vrata.

Općinski operativni centar civilne zaštite Vogošća: Dana, 07.05.2026. godine na prijedlog Općinskog štaba civilne zaštite, na prijedlog Općinskog štaba civilne zaštite donio je Odluku o djelimičnom proglašenju stanja prirodne nesreće na području Općine Vogošća - MZ Hotonj, ul. Rašida Bešlije br. 73, uzrokovane pomjeranjem i slijeganjem zemljišta, zbog ugroženosti objekata ustanove „Sumero centra za podršku osobama sa invaliditetom u zajednici“. Općinski štaba civilne zaštite je u skladu sa navedenom Odlukom, a shodno svojim ovlaštenjima preduzeo neophodne mjere i aktivnosti na zaštiti i spašavanju ljudi i materijalnih dobara na ugroženom području.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 08.05.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Obilaskom lokaliteta klizišta Curine njive, vizualnim pregledom ustanovljeno je da je nešto više zasićenosti tla vlagom. Na lokalitetu se i dalje izvode radovi na krčenju šume u cilju pripreme terena za sanaciju klizišta. Na tlu nisu zabilježene nove veće pukotine. U donjem dijelu klizišta i dalje je prisutna

kontinuirana blaga erozija, uz osipanje i slijeganje tla posebno na području ispod igrališta i na dijelu završetka drenažnog kanala.

Na lokalitetu Knjeginjac stanje je bez značajnih promjena u odnosu na predhodni dan. Primjetno da je vlažnost tla nešto veća, dok je u gornjem dijelu i dalje prisutno blago slijeganje. U donjoj zoni evidentan je kontinuiran protok vode prema klizištu, uz pojavu plavnih površina. Nisu uočena nova odlaganja zemljanog niti drugog materijala.

Na lokalitetu Bistričkog potoka, nisu uočene nove degradacije, niti su poduzete aktivnosti na uklanjanju postojećih prepreka. Protok vode odvija se nesmetano. U gornjem dijelu iznad mosta, na području Istočni Stari Grad, i dalje je prisutno obrušeno kamenje i oborena stabla, što može utjecati na protočnost u slučaju povećanog vodostaja.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 10°C, vlažnost zraka 70%, barometarski pritisak 942,8 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog organizacije koncerta, do 09. 05. 2026. godine do 16 sati zabranjen je saobraćaj u ulicama Zelenih beretki i Branilaca Sarajeva (dionica Despićeva-Ćemaluša).

Zbog održavanja događaja danas (09.05.) od 17:30 do sutra (10.05.) do 02 sati doći će do obustave saobraćaja u krajnoj desnoj traci u ulici Zmaja od Bosne (traka za skretanje desno) i Vrbanja (neposredno uz zgradu institucija Bosne i Hercegovine).

Defile Old timer vozila održava se danas (09.05.) od 09 do 18 sati na relaciji BM hotel-Bulevar Meše Selimovića-Stup-Ante Babića-Želimira Vidovića Kelija-Emila Zole-Bulevar Branilaca Dobrinje, a sutra (10.05.) od 09 do 16 sati na relaciji Bulevar Meše Selimovića-Zmaja od Bosne-Hisera-Obala Kulina bana-Telali-Mula Mustafe Bašeskije-Branislava Đurđeva-Mis Irbina-Obala Kulina bana-Kulovića.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a